





乾
隆
府
聽
州
縣
圖
志

浙
江

ル 5
1353
10





直隸正興州縣區志卷

浙江境眾水歸合表

乾隆府廳州縣圖志卷二十七

浙江 浦陽江下流為若溪合前溪餘烏程運河

鄞江合奉化江錢清江 不溪苧溪

慈溪江為大澹吳甯水 若溪

永嘉江 臨平湖

安陽江 桐溪

靈江 穀水

大溪下流為青

田溪 下流為曹

剡溪 又為上虞

江 又為上虞

海

浙江

太湖

運河

起仁和縣北至嘉興府秀水縣北入江蘇界

乾隆府廳州縣圖志卷二十七

賜進士及第翰林院編修充 國史館纂修官 臣 洪亮吉撰

浙江布政使司

杭州府 衝繁難

原額人丁三十二萬二千三百 又滋生人丁一萬二千六百六十二

禹貢揚州之域春秋為越西境戰國屬楚秦置錢塘縣屬會稽郡漢為會稽西部都尉治後漢分屬吳郡陳禎明元年置錢唐郡屬吳州隋廢郡置杭州仁壽中置總管府大業初府罷三年改曰餘杭郡唐武德四年復置杭州天寶初曰餘杭郡乾元初復曰杭州景福二年移鎮海節度使來治五代時錢鏐置吳越國宋仍曰杭州餘杭郡淳化五年改寧海軍節度建炎三年以為行在所升臨安府元至元十三年為兩浙都督府十五年改

杭州路明初改杭州府

本朝為巡撫部院及布政使司按察使司治所織造兼權關稅及兩浙鹽運使司糧儲道並駐此海防同知二一駐東塘一駐西塘

府境

東西距一百九十五里
南北距七十三里

入到

東至縉州府相廬縣界一百三十三里
西至縉州府相廬縣界一百三十三里
南至縉州府相廬縣界四十五里
北至湖州府德清縣界四十五里
東南至蕭山縣界二十八里
西南至金華府浦江縣界三百四十里
東北至嘉興府石門縣界一百二十里
西北至嘉興府石門縣界二百八十里
自府治至京師四千二百里

土貢

銅 鹽 紗 茶 地黃 黃連 黃精
牛膝 石膏 楊梅 銀杏 冬筍 鱒魚 紙 鈴
粉

管縣八州一

錢塘 仁和 海甯州 富陽 餘杭 臨安 於潛

新城 昌化

錢塘縣 衝繁難郭下 有寶浙錢局浙江一驛西溪一鎮

秦舊縣屬會稽郡漢為會稽西部都尉治後漢省入餘杭縣後復置陳禎明初于縣置錢唐郡隋仍廢為縣唐曰錢塘

定山在縣東南四十里酈道元云縣東有定已諸山皆西臨浙

江又有界石山在縣西南四十九里浙江經其下

靈隱山在縣西十二里班固云錢唐縣有武林山武林水所出

蓋即靈隱也

浙江在府城東南自嚴州府桐廬縣流逕富陽為富春江入縣及仁和二縣境為錢唐江又東至海甯界海門入海虞喜志林

今錢唐江口浙山正居江中潮水投山下折而曲故名浙江李吉甫云江源自歙州界東北流經界石山又東北經州理北又東北流入于海江濤晝夜再上常以月十日二十五日最小月三日十八日極大今按漸江在海甯入海浙江舊在山陰入海西湖在縣西一名明聖湖以在府西故又名西湖又名錢塘湖唐大厯中刺史李泌以江水鹵惡開六井鑿陰竇引湖水灌之長慶初刺史白居易重修六井發函篋以蓄洩湖水溉田千頃又引入運河以利漕吳越時湖葑蔓合乃置撩湖兵千人又引湖水爲湧金池以濟運河宋初稍廢不治元祐五年蘇軾知杭州取葑泥積湖中爲長堤以通人行淳祐中守臣趙與魯因湖水旱竭引天目山水桔槔運之仰注西湖以灌城市縣故城在今縣西道元云靈隱山下有錢唐故縣浙江逕其南

季吉甫引錢唐記云昔一境逼近江流縣理靈隱山下今餘址尚存圖經錢唐舊治有四一在靈隱山麓一在錢湖門外皆漢魏時治一在錢塘門內今爲教場唐縣治也一在紀家橋華嚴寺故址宋縣治也

仁和縣

衝繁難郭下

有武林吳山二驛德勝橋江漲橋臨平塘樓湯鎮五鎮巡檢一駐塘樓

五代梁龍德二年吳越割錢唐鹽官二縣地置錢江縣與錢塘竝爲杭州治宋太平興國四年改曰仁和

臨平湖在縣境臨平山東南五里吳志天璽元年吳郡言臨平湖開卽此道元云浙江又東合臨平湖湖水上通浦陽江下注浙江名曰東江按南宋運道經此

錢江故縣在縣治北武林門內

南宋故宮在縣南鳳皇山卽唐以來州治也咸淳志建炎三年

詔以杭州治爲行宮紹興元年詔守臣徐康國措置艸創二年南門成二十八年增築禁城以文德殿爲正衙垂拱殿爲常朝後殿有四曰延和曰崇政曰福甯曰復古孝宗建射殿曰選德理宗闢講殿曰緝熙度宗改東宮新益堂曰熙明置經籍其中本朝設鎮守將軍及副都統二員領滿洲兵于此駐防北新關在縣北武林門外十里明成化中設戶部分司駐此以權商稅

本朝定歸織造兼管又南新關在縣候潮門外

江塘在錢塘及縣界道元云錢塘記曰防海大塘在縣東一里許郡議曹華信議立此塘以防海水

運河在縣北至塘西鎮入嘉興府石門縣界

海甯州 繁疲難西少南至府一百七里

有長安袁花破石石墩赭山五鎮巡

檢一駐赭山

漢海鹽縣之鹽官地三國吳置海昌都尉于此後改置鹽官縣陳永定二年于縣置海甯郡尋廢唐武德七年省入錢唐縣貞觀四年復置元元貞元年升鹽官州天曆二年改海甯州明洪武二年降州爲縣

本朝乾隆三十八年仍升爲州

赭山在州西南五十里與仁和接界瀕海產鹽先有鹽場縣境許村場西路場黃灣市俱有鹽課司仁和縣有仁和場海在州南海塘在州及仁和兩縣境新唐書鹽官場有捍海塘堤長二百二十四里歷代增修

本朝康熙雍正中屢命大臣察勘發帑興建乾隆四十五年上因南巡親自履視悉易柴塘內爲石以昭鞏固云

富陽縣

衝繁東北至府九十里

有會江一驛

漢富春縣屬會稽郡後漢屬吳郡三國吳黃武五年置東安郡七年郡廢仍屬吳郡晉咸安初改曰富陽五代時復曰富春宋太平興國三年仍曰富陽

湖湫山在縣西南五十里山廣一百三十里上有石樓石城

陽陂湖在縣北十四里湖周十六里溉田萬畝明末湖涸

本朝康熙中重濬

縣故城在今縣治西北隅又有東安城在縣北十八里

餘杭縣繁難東南至府七十里有閑林雙溪石瀨三鎮

秦舊縣屬會稽郡後漢屬吳郡三國吳寶鼎初改屬吳興郡隋開皇初于縣置杭州大業三年屬餘杭郡唐屬杭州

大滌山在縣西南十八里與臨安縣分界高六百九十餘丈周

五十里又有由山在縣南一名大辟山晉書郭文辭家入餘

杭大辟山即此獨松嶺在縣西北七十五里有關在其上

南湖在縣南五里有上湖西二里有下湖苕溪自天目乘高而下縣地平衍首當其衝漢熹平二年縣令陳渾始築兩湖以瀦水其竝溪者曰南下湖環三十里竝山者曰南上湖環三十二里于湖西北為石門函以納溪水

縣故城即今縣治圖經舊城在苕溪南漢陳渾徙溪北唐末吳越王復徙溪南號清平軍宋雍熙中軍廢再徙溪北自後因之李吉甫云秦始皇捨舟航于此因以為名

臨安縣簡東南至府一百里有青山石鏡西墅三鎮

後漢建安十六年分餘杭縣置臨水縣晉太康初改曰臨安隋省唐武德七年復置臨水縣屬潛州八年廢垂拱四年復分餘

杭於潛地置臨安縣屬杭州五代梁開平二年吳越改曰安國縣并置衣錦軍宋太平興國四年改順化軍尋廢軍復為臨安縣

天目山在縣西北與於潛接界即古浮玉山也山海經浮玉之山北望具區東望諸毗茗水出于其陰

茗溪源出天目山之陽亦名南溪故老相傳夾岸多茗花故名

臨水故城在縣北四里

於潛縣 簡東南至府一百七十里

漢舊縣唐武德七年于縣置潛州八年州廢還屬杭州

桐溪在縣西道元云桐溪水出於潛縣北天目山

縣故城在今縣治北唐紫溪故城在縣南越王城在縣東十五里

新城縣 簡東北至府一百二十里 有東安一鎮

三國吳析富春縣地置新城縣屬東安郡尋廢晉太康末復置尋又廢咸和九年又置隋省唐永淳初復置五代時吳越改曰新登縣宋復故

縣故城在今縣治東唐南新廢縣在縣西

昌化縣 簡東至府二百十里 有手宰嶺一鎮

唐萬歲通天初析於潛置武隆縣聖歷三年省入紫溪長安四年復置武隆縣神龍初改曰唐山大曆二年廢長慶初復置唐山縣五代梁時吳越改曰金昌後唐同光初復曰唐山石晉天福七年改曰橫山又改曰吳昌宋太平興國三年改曰昌化

昱嶺在縣西七十里

紫溪在縣南道元云紫溪水出於潛縣西百丈山東南流名為

紫溪

武隆故縣在縣治南

嘉興府

衝繁疲難

原額人丁共六十七萬七千二百七十五
又滋生人丁共二萬七千四十二

禹貢揚州之域春秋時為吳越之疆戰國屬楚秦為會稽郡由
拳海鹽二縣後漢永建四年分屬吳郡隋為吳餘杭二郡地唐
屬吳郡五代初屬杭州晉天福四年吳越錢氏始奏置秀州宋
政和七年賜名嘉禾郡慶元初升為嘉興府嘉定元年升為嘉
興軍節度元至元十三年曰嘉興路明洪武初復曰嘉興府
本朝因之分巡杭嘉湖道駐此海防及理事同知竝駐乍浦
府境 東西距一百五十里
南北距一百里
東至江南華亭縣界六十里
西至湖州府歸安縣界九十里

南至杭州府海鹽州界七十里

北至江南震澤縣界三十里

東南至江南金山縣界一百五里

西南至杭州府仁和县界一百里

東北至江南婁縣界六十里

西北至湖州府烏程縣界八十里

自府治至京師四千二十里

土貢

鹽 絲 綾 綢 李 苔心菜 石首魚 蟹 黃

管縣七

嘉興 秀水 嘉善 海鹽 石門 平湖 桐鄉

嘉興縣 衝繁難郭下 有水驛一王店一鎮

秦由拳縣屬會稽郡後漢屬吳郡三國吳黃龍三年改曰禾興
赤烏五年又改曰嘉興隋省入吳縣唐武德七年復置八年廢
貞觀八年復置

運河自湖州府德清縣界流入經石門桐鄉至縣及秀水縣界

由拳故城在縣南五里

射襄城在縣東北三十里為吳禦越之所今為射城里

秀水縣

衝繁難郭下

有王江涇新城濮院三鎮巡檢一駐

明宣德四年析嘉興縣置以縣北秀水為名

檇李城在縣西南春秋於越敗吳于檇李即此

嘉善縣

繁難西至府三十六里

有陶莊斜塘風涇三鎮

明宣德四年析嘉興縣置

海鹽縣

繁難西北至府八十里

有澉浦海口二鎮

漢舊縣晉始徙置于此陳永定二年分屬海甯郡尋省入鹽官縣唐景雲二年復置屬蘇州先天二年廢開元五年復置五代後唐初割屬杭州晉天福四年改屬秀州元元貞初升為州明洪武二年復為縣

茶山在縣東南海中明嘉靖三十七年俞大猷敗倭于茶山洋即此為江南兩浙官兵會哨之所

海在縣及平湖兩縣境延袤一百七十里舊去海鹽城東二里今不及一里海岸與甯波紹興二府相對海塘在縣東半里與江南之金山縣及杭州海甯州接界長百五十餘里唐時剏築曰捍海塘元至正間改名太平塘易土以石明成化以後相繼增築

本朝屢加修葺

鹽場在縣東瀕海曰鮑郎曰海沙在平湖曰蘆瀝曰橫浦竝有鹽大使

吳禦城今縣治漢置海鹽縣在今平湖縣界後漢永建二年移縣治于此嶼城在縣西北十八里晉袁山松築以禦孫恩

石門縣

衡繁難東北至府八十里

有阜林一驛石門一鎮

五代晉天福三年吳越析嘉興縣地置崇德縣元元貞初升為州明洪武初復為縣

本朝康熙元年改曰石門

海鹽故城在縣東南劉昭云按計偕簿縣之故治順帝時陷而

為湖今謂為當湖大旱湖竭城郭之處可識

平湖縣

衝繁疲難西北至府五十四里

有乍浦白沙灣廣陳三鎮巡檢二駐乍浦及白沙灣

明宣德五年析海鹽縣置

乍浦鎮在縣東南三十里吳越設鎮遏使南宋置水軍統制元置市舶司明洪武中建千戶所築城九里有奇三十六年增置水寨為海道三關之一

本朝雍正七年移杭州副都統一員及滿兵駐此

桐鄉縣

繁難東北至府五十五里

有阜林青墩鎮三鎮巡檢一駐青墩

明宣德四年析崇德縣地置

湖州府

繁疲難

原額人丁三十二萬一千五百六十五又滋生人丁二萬八千三百八十七

禹貢揚州之域防風氏之國春秋屬吳後屬越戰國屬楚秦置烏程縣漢屬會稽郡後漢分屬吳郡三國吳寶鼎元年始于烏程置吳興郡梁紹泰元年于郡置震州太平元年州廢隋平陳郡廢仁壽二年改置湖州大業初州廢縣屬吳郡唐武德四年復置湖州天寶初復為吳興郡乾元初復為湖州文德元年于州置忠國軍節度五代屬吳越國周時改宣德軍宋曰湖州吳興郡景祐元年升紹慶軍節度寶慶元年改州曰安吉州元至

元十三年為湖州路明洪武初為湖州府屬南直隸十四年改隸浙江

本朝因之分防同知駐烏鎮通判駐南潯

府境 東西距一百八十二里 南北距一百三十八里

八到 東至江蘇震澤縣界七十二里 西至安徽廣德州界一百十里 南至杭州府仁和县界一百二十里 北至太湖十八里 東南至嘉興府桐鄉縣界九十里 西南至安徽甯國縣界二百四十里 東北至江蘇吳縣界六十里 西北至江蘇宜興縣界七十里 自府治至京師三千二百里

上貢

銅 錫 綾 棉 綢 絲 紗 布 米 桑 苧 茶 酒 蜜 木瓜 乳 糖 楊梅 栗 菱 苧 蠶 魚 漆 器 筆 鉛 錫 礦 灰 石 鍾 乳 石 炭 煤 鏡

管縣七

烏程 歸安 長興 德清 武康 安吉 孝豐

烏程縣 繁疲難郭下

有苕溪一驛烏鎮南潯二鎮巡檢二駐後潘村及大錢湖

秦舊縣三國吳為吳興郡治隋仁壽中為湖州治迄今不改

衡山在縣南少西左傳楚子重伐吳克鳩茲至于衡山

苕溪亦名雪溪水西南自孝豐安吉長興三縣界流至縣南與

餘不溪前溪苧溪水合流入太湖湖在州北三十五里字書云

書者四水激射之聲也

運河在縣東東流經震澤平望與嘉興之運河合

故菰城在縣南二十五里樂史云楚春申君立菰城縣秦改為

烏城晉義熙元年始移今處晉東遷故城在縣東漢永縣故城

在縣西北

吳興塘在縣境宋太守沈嘉建灌田二千餘頃

歸安縣

繁疲難郭下

有璉市菱湖雙林施渚四鎮巡檢駐

宋太平興國七年析烏程東南境置

長興縣

衝繁難東少南至府六十里

有四安和平合溪水四鎮巡檢駐四安

漢烏程故鄣二縣地晉太康三年分置長城縣隋平陳省入烏

程仁壽二年復置隋大業中沈法興于縣置長州唐武德四年

改為緱州又改為雒州七年州廢五代吳越避梁諱改曰長興

元元貞元年升為長興州明初改長安州洪武二年復曰長興

縣

九龍山在縣西南一百二十里顧野王云昔吳采章山銅鑄錢

卽此又銀山在縣東南四十二里舊嘗產銀

若溪在縣南亦作箬李吉甫云箬溪水釀酒甚醲俗稱箬下酒

西湖在縣境吳興記西湖吳王夫槩所立湖中出佳蓴常貢傍

溉田三萬頃有水門四十所引方山泉注之

長城故城在縣東昔闔廬使弟夫槩居此築城狹而長因以為

名晉義鄉故城在縣西北義鄉山下

德清縣 繁疲難北少西至府九十里

有新市一鎮巡檢駐

漢烏程縣地後漢末為永安縣地晉以後為武康縣地唐天授

二年析置武源縣景雲二年改曰臨溪天寶元年始改德清

臨溪故城在縣北土蘭山南

武康縣

疲難北少東至府一百十里

後漢初平五年析烏程餘不鄉地置永安縣晉太康元年改曰

武康隋平陳縣廢仁壽二年復置唐初李子通于縣置安州尋

改曰武州武德七年州廢

封山在縣東魯語防風氏在虞夏商為汪罔氏守封禺之山韋

昭云封禹二山名皆在永安縣按今縣南三十里有嵎山顧野王云古防風氏之都也武康山在縣西十五里舊名銅官山野王云山下有兩坎深數丈方圓百尺古采銅所

永安故城在縣西

安吉縣

疲難東北至府一百二十里

有梅溪遊鋪二鎮巡檢駐天目山

秦鄣郡地漢廢郡為故鄣縣後漢中平初分置安吉縣隋平陳并二縣入綏安縣義甯元年沈法興復置安吉縣唐武德七年省入長城麟德元年復置明正德二年升為安吉州本朝乾隆中復為縣

銅峴山在縣東括地志吳采鄣山之銅即此

縣故城在今縣西南劉昭稱吳興記光和末張角亂此鄉獨守險助國漢嘉之故立縣故鄣故城在縣西北一十五里

孝豐縣

簡東北至府九十里

有沿干一鎮

漢中平二年分故鄣置原鄉縣隋平陳省入綏安唐武德四年復置原鄉縣七年省入長城明成化二十三年又分安吉縣地置孝豐縣正德二年屬安吉州

本朝屬湖州府

原鄉故城在縣北

甯波府

衝繁

原額人丁共四十四萬九千六百八十八又滋生人丁共一萬二千五百一十三

禹貢揚州之域春秋時越地秦屬會稽郡漢為鄞鄞句章三縣地後嘗為東部都尉治唐武德四年始置鄞州八年州廢還屬越州開元二十六年復置明州天寶元年改為餘姚郡乾元初復曰明州五代屬吳越國宋曰明州奉化郡紹熙五年升慶元

府元至元十三年改置宣慰司十四年改慶元路明初復為明州府洪武十四年改甯波府

本朝因之分巡甯紹台道駐此同知駐大嵩所

府境 東西距二百二十四里 南北距二百八里

八到 東至海岸一百里 西至紹興府餘姚縣界一百二十里 南至台州府甯海縣界一百四十六里 北至海岸六十二里越海即江南松江府界 東南至海岸一百二十里 西南至海岸一百二十六里 東北至海岸七十二里 西北至餘姚縣界一百五里 自府治至京師四千六百四十里

土貢 綾絹葛 海肘子 紅蝦米 鱸子 紅蝦鮓 烏鯛骨 鮑 蠔 蚌 淡菜 蚶 江瑤柱 紫魚 鯨 吐鐵 海豔 苔菜 紫菜 金豆 金子瓜 青橘 子 薯蕷 附子 紅木犀 卷柏 楮實

管縣六

鄞 慈谿 奉化 鎮海 象山 定海

鄞縣 衝繁難郭下 有四明一驛小溪一鎮巡檢駐杖錫

春秋越東界鄞邑地漢置鄞縣晉隆安四年又徙置句章縣隋平陳并鄞縣入句章唐武德四年于句章縣置鄞州八年州廢復改置鄞縣開元二十六年于縣置明州五代梁開平二年改鄞縣曰鄞縣

四明山在縣西南唐六典江南道名山曰四明山高一萬八千丈周回二百十里又錫山在縣西南五十里嘗產錫又十里有銀山舊產銀又十里有天井山宋時嘗採鐵于此 海府境東南北三面環海東通日本南通閩廣諸番北接江南 崇明上海

鄞江在縣東北二里一名甬江奉化江自南來慈谿江自西來

俱至縣東三港口合流入鎮海縣界爲大澮江逕縣城南至縣東入海東晉時置澮口戍龍安中孫恩爲劉裕敗自澮口竄入海卽此又東錢湖在縣東一名萬金湖受七十二谿水周八百頃縣及奉化鎮海三縣之田俱資灌溉

鄞縣故城在縣東三十里

鹽場在縣東南大嵩所圖說府境鹽場共六慈谿有鶴鳴場鎮

海有清泉穿山龍頭長山四場今併龍頭長山入清泉穿山

慈谿縣繁疲難東南至府五十里有松浦向頭二鎮巡檢二分駐

本漢句章縣地唐初爲鄞縣地開元二十六年析置

句餘山在縣西南四十里山海經句餘之山無艸木多金玉郭

璞注今在餘姚縣南句章縣北故二縣以爲名

漢句章故城在縣西南三十五里又晉句章故城在今鄞縣南

小溪鎮

奉化縣疲難東北至府八十里有鮎崎一鎮巡檢一駐塔

春秋越鄞邑漢置鄞縣隋平陳并八句章唐初爲鄞縣地開元

二十六年析置奉化縣元元貞初升爲州明洪武二十年復爲

縣

天門山在縣南接象山縣界班固云鄞東南有天門水入海有

越天門山又云有鎮亭有結綺亭今皆在縣南銅山在縣北十

五里新唐書奉化縣有銅疑出此

鄞縣故城在縣東

鎮海縣衝繁西南至府六十里巡檢三駐長山穿山管界

五代梁開平三年吳越析鄞縣置望海縣宋太平興國初改曰

定海

本朝康熙二十六年別置定海縣于舟山而改故定海為鎮海縣

蛟門山在縣東海中去岸十五里外即大海洋

威遠城在縣北招寶山上

定海關在縣南門外

本朝康熙二十四年置海舶由此驗放

象山縣 難西北至府二百七十里 巡檢二駐趙舉及石浦

唐神龍元年析寧海鄞二縣地置屬台州廣德二年改屬明州

縣東南北三面皆入海惟西南有陸路接台州寧海縣

定海縣 衝西少南至府二百六十里 巡檢二駐沈家舉及岑港

唐開元二十六年分鄞縣地置翁山縣大曆六年廢宋熙寧六年以故縣地置昌國縣元至元四年升為州明初復為縣洪武

二十年縣廢入定海

本朝康熙二十六年改置定海縣于舟山

翁山故城在縣東三十里翁山下亦曰翁洲李吉甫云翁洲入海二百里即春秋所謂甬東地其洲環五百里有良田湖水唐于此置縣

紹興府 衝繁難

原額人丁二十六萬九千七百四十八
又滋生人丁一萬九千九十二

禹貢揚州之域春秋時為越國後并于楚秦為會稽郡地後漢永建四年分置吳郡始移會稽郡來治宋孝建初于郡置東揚州永光元年州廢梁普通五年復置東揚州太平元年罷陳天嘉三年復置隋平陳改為吳州置總管府大業初改越州尋復曰會稽郡唐武德四年復為越州置總管府七年改為都督府

天寶初曰會稽郡乾元初復曰越州五代時屬吳越宋仍爲越州會稽郡鎮東軍節度紹興初升紹興府元至元十三年改紹興路明初復曰紹興府

本朝因之海防同知駐梁通通判駐海甯

府境

八到

東西距三百二十里
南北距二百九十里
東至寧波府慈谿縣界一百九十里
西至杭州府錢塘縣界一百三十里
南至金華府東陽縣界二百五十里
北至海四里
東南至台州府天台縣界三百里
西南至杭州府富陽縣界一百九十二里
東北至慈谿縣界二百二十七里
西北至錢塘縣界一百二十五里
自府治至京師四千四百五十八里

土貢

鹽 茶 羅 絞 竹箭 藤紙 筋竹 越瓜 蓴
橘 甘橘 玉芝 禹餘糧 芡實 紫石英 叶
綬鳥

管縣八

山陰

會稽

蕭山

諸暨

餘姚

上虞

嵊

新昌

山陰縣

衝繁難郭下

有蓬萊一驛錢清三江二鎮巡檢駐白洋

春秋越國都漢置山陰縣隋平陳廢入會稽縣唐武德七年復置于越州郭內八年省垂拱二年復置大曆二年又廢七年復置元和七年又廢十年復置

玉山在縣北二十八里兩厓對峙唐貞元元年浙東觀察使皇甫政鑿此山置閘八以洩州境及蕭山縣之水出三江口入海明嘉靖中知府湯紹恩復于三江口建大閘爲洞二十有八啟閉以時閘外兩厓築石堤四百餘丈扼潮使不爲水患自是水田盡爲沃壤

海在縣北四十里曹娥錢清浙江三水所會謂之三江海口又

府境蕭山會稽上虞餘姚皆濱海

鏡湖在縣南三里一名鑑湖一名長湖舊跨山陰會稽二縣周三百五十八里總納二縣三十六源之水南竝山北屬府城東至曹娥江西至西小江其初本通潮汐漢永和五年太守馬臻始環湖築塘潴水按班固言石城縣分江水首受江東至餘姚入海疑此湖卽其故道或自後漢築塘後水始不能溉田至九千餘頃又界湖爲二曰東湖曰南湖宋初民始盜湖爲田淳熙中悉縱民耕之湖遂堙廢今僅存賀家池耳池以唐賀知章得名亦名賀監湖

縣故城今府治吳越春秋越王命范蠡所築

石城在縣東北三十里石城山下

會稽縣衝繁郭下有東關一驛纂風一鎮巡檢駐曹娥垵

隋開皇九年分山陰置會稽縣爲會稽郡治

會稽山在縣東南十三里山海經會稽之山四方其上多金玉其下多砮石勺水出焉越絕書禹到大越上茅山大會計更名茅山曰會稽有南鎮廟

越王城在縣東南會稽山上又侯城在縣東五十八里吳王城在縣東十里

海塘新唐書會稽東北四十里有防海塘自上虞江抵山陰百餘里

鹽場縣境有曹娥場錢清三江二場在山陰西興場在蕭山今併入錢清石堰場在餘姚

大禹陵在會稽山西北五里陵旁有禹廟

宋高宗永思陵孝宗永阜陵光宗永崇陵甯宗永茂陵理宗永穆陵度宗永紹陵竝在縣東南二十五里寶山號爲攢宮

蕭山縣

衝繁難東南至府一百十里

有西興一驛漁浦一鎮巡檢駐

漢置餘暨縣三國吳太平二年改曰永興隋開皇中省入會稽縣唐儀鳳二年復分會稽諸暨二縣地置永興縣天寶初改曰蕭山以縣西蕭山得名班固云餘暨縣蕭山潘水所出餘暨故城在縣西應劭曰吳王闔廬弟夫槩之所邑

西陵城在縣西十二里舊名固陵酈道元云浙江東逕故陵城北昔范蠡築城于浙江之濱言可以固守謂之固陵後漢建安初會稽王朗拒孫策于此吳越改曰西興東有運河自縣治通府城及上虞長二百里南宋時漕渠故道也

諸暨縣

繁疲難東北至府一百十里

有楓橋一鎮

漢舊縣元元貞初升為州明初改為諸全州洪武中復為諸暨縣

句乘山在縣南五十里國語句踐之地南至于句無韋昭注諸暨有句無亭括地志謂即句乘山銀冶山在縣北三十里新唐書諸暨縣有銀冶又縣東五十里有烏帶山出紫石英

浦陽江在縣西南自金華府浦江縣流入縣境名錢清江又西北流注浙江

宋義安廢縣在縣東北五十里

新城在縣西南六十里

餘姚縣

繁疲難西南至府一百八十里

有姚江一驛三山廟山眉山梁壽四鎮巡檢三駐三山廟山及中村

漢舊縣隋初省入句章唐武德四年復置縣兼置姚州七年州廢元元貞初升餘姚縣為州明洪武二年復為縣句餘山在縣南一百十里古名鬼藏山亦名四明山與寧波府

鄞縣接界晉書餘姚有句餘山卽此

上虞縣

繁疲西至府一百二十里

有曹娥一驛梁湖一鎮
巡檢駐

漢舊縣隋開皇中廢入會稽唐貞元中復置

銅山在縣西南二十五里舊產銅有流原數道滙為銅山湖周二里

上虞江上流曰剡谿自嵊縣北流入會稽縣界曰曹娥江又北入縣界曰上虞江

縣故城在今縣西北水經注縣本司鹽都尉治地名虞賓晉太康地記舜避丹朱于此故以名縣又云禹與諸侯會事訖因相與娛樂

漢始甯廢縣在縣西南五十里

嵊縣

衝繁西北至府一百八十里

有浦口長樂三界三鎮

漢置剡縣唐武德四年于縣置嵊州八年州廢縣仍屬越州宋宣和八年始改為嵊縣

剡溪在縣南一百五十步

剡縣故城在縣西南一十二里吳賀齊為令移理今所

新昌縣

簡西北至府二百二十里

有采烟一鎮

五代梁開平二年吳越析剡縣置

天姥山在縣東五十里高三千五百丈周六十里

縣故城在今縣東

府境

東西距三百七十里
南北距二百五十五里

八到

東至海一百八十里
西至處州府縉雲縣界一百九十里
南至溫州府樂清縣界一百四十里
北至紹興府新昌縣界一百四十五里
東南至海一百九十里
西南至溫州府永嘉縣界二百五十里
東北至寧波府象山縣界二百八十里
西北至金華府東陽縣界二百七十里
自府治至京師四千七百七十八里

土貢

絹 茶 鹽 金漆 朮 乾薑 草 金松 柑
方竹 飛生鳥 火魚 章 巨 甲香 鮫魚皮 貉
皮 花乳香

管縣六

臨海 黃巖 天台 仙居 甯海 太平

臨海縣

繁疲難郭下

有赤城一驛蛟湖一鎮巡檢駐前所

漢置回浦縣後漢改曰章安三國吳太平二年分置臨海縣為

臨海郡治尋徙郡治章安以縣屬焉隋省章安以臨海縣屬處

州大業中屬永嘉郡唐為台州治

括蒼山在縣西南四十里接仙居縣界

海在縣東又黃巖甯海太平三縣皆濱海

靈江在縣南李吉甫云臨海江有二水合成一自始豐溪一自

樂安溪至縣城西北十三里合流

章安故城在縣東南一百十五里章安市

杜瀆鹽場在縣東一百二十里又黃巖甯海天台仙居四縣各

有鹽場一

黃巖縣 繁疲難西北至府六十里

有丹霞一驛路橋越溪
海遊海輿四鎮巡檢駐
長浦

唐上元二年析臨海縣置永甯縣天授元年改曰黃巖以縣西

南黃巖山得名元元貞初升為黃巖州明洪武二年降為縣
縣故城在今縣治北

天台縣 簡東南至府九十里 有桑洲一驛清溪一鎮

三國吳析章安置始平縣晉太康初改曰始豐隋省入臨海唐
武德四年復置始豐縣八年省貞觀八年復置上元二年改曰
唐興五代梁開平中吳越改曰天台石晉改為台興宋復曰天
台

天台山在縣北三里又北三里有赤城山土色皆赤故名

赤巖場在縣西十里宋元祐四年以礦發置銀場尋廢又仙居
縣宋有安仁鐵場

仙居縣 疲難東少北至府九十里

晉永和中析始豐置樂安縣隋省入臨海唐武德四年復置八

年省上元二年復置五代唐長興元年吳越改為永安縣宋景
德四年改曰仙居

永安溪在縣南李吉甫云源出縣西馮師山流逕縣南又東入
臨海縣界合靈江

樂安故城在縣西北五代吳越時始徙今治
甯海縣 繁西南至府一百八十里 有朱家畧一驛

晉永和三年析鄞縣置甯海縣隋開皇九年省入章安唐武德
四年復置七年省永昌元年又置

縣故城在今縣東北

太平縣 繁西北至府一百四十里 有蒲岐溫嶺二鎮縣丞
分駐新城巡檢駐松門

明成化五年析黃巖縣置治在太平鄉故名

新河口在縣東四十里自黃巖縣東南至溫嶺長一百三十里

金華府 衝繁難

原額人丁二十三萬八千六百八十八
又滋生人丁共一萬六千五百五十三

秦以前同紹興府漢為會稽郡烏傷縣後漢為會稽西部都尉
治後分置長山縣三國吳寶鼎元年于長山縣置東陽郡梁末
置縉州陳改置金華郡隋平陳郡廢改置婺州大業初仍為東
陽郡唐武德四年復置婺州天寶初復曰東陽郡乾元初復曰
婺州五代屬吳越晉天福四年升為武勝軍節度宋亦曰婺州
東陽郡淳化元年改曰保寧軍節度元至元十三年改為婺州
路至正十八年明太祖改寧越府後又改曰金華府

府境

東西距三百四十里
南北距二百七十里
東至台州府天台縣界二百七十里
西至衢州府龍游縣界七十里
南至處州府縉雲縣界一百里
北至嚴州府建德縣界一百里

八到

東南至台州府仙居縣界三百五十里
西南至龍游縣界七十五里
東北至紹興府嵊縣界二百五十里
西北至嚴州府壽昌縣界九十五里
自府治至京師三千七百四十里

土貢

鐵鑛 綿 紗布 紙 漆 香杭 銅 葛粉 藥
膏棗 榧子 酒 熏蹄

管縣八

金華 蘭谿 東陽 義烏 永康 武義 浦江 湯

谿

金華縣

衝繁郭下 有雙溪一驛孝順一鎮

漢會稽郡烏傷縣地後漢初平三年分置長山縣三國吳為東
陽郡治隋平陳改曰吳寧開皇十二年改曰東陽十八年始改
曰金華唐垂拱四年改曰金山神龍元年復曰金華
金華山在縣北一名長山顧野王云山連亘三百餘里又銅山

在縣南三十里與蘭谿縣東銅山竝以產銅得名

吳甯水今名東陽江自東陽縣北西流逕義烏縣南又西逕府城南與永康溪合為雙溪

長山故城在縣東四十里

蘭谿縣

衝繁難東南至府五十里

有澗水一驛平渡永昌二鎮

漢烏傷縣地漢末為長山縣地隋為金華縣地唐咸亨五年始分置蘭谿縣元元貞初升為州明初復為縣

穀水今名衢江自衢州府龍游縣流入逕湯溪縣西北二十里又北入縣界逕縣西南十五里為金臺灘又至蘭陰山下與發港合統名曰蘭谿按李吉甫云北流入東陽江當是指發港也東陽縣繁難西少南至府一百三十里

有永甯一鎮

後漢興平二年分烏傷諸暨二縣地置吳甯縣三國吳分屬東

陽郡唐初省為義烏縣地垂拱二年始析置東陽縣

吳甯故城在縣東舊說漢時析諸暨之水門置漢甯縣孫氏始改為吳甯

銀銅場在縣北四十五里宋元祐崇甯間置場于此

義烏縣

疲難西南至府一百十里

有龍祈一鎮

漢烏傷縣唐武德四年于縣置縉州七年州廢改縣曰義烏唐華川故城在縣西南廢縉州在縣北一百八十步今為滿心

寺

永康縣

疲難西北至府一百十里

有華溪一驛

三國吳赤烏八年分烏傷置永康縣隋廢唐武德四年復置曰縉雲兼置麗州八年州廢復曰永康

銅山在縣東五十五里宋元祐中嘗置場采銅宣和後廢紹興

中又置尋廢

永康谿在縣南源出縉雲縣土母山入縣界西北與華溪會始勝舟楫至金華縣與東港合

麗州故城在縣北

武義縣疲難北少西至府七十五里

唐天授二年分永康縣地置尋更名武城天祐中復故樂史稱顧野王云吳赤烏八年分烏傷永康縣置隋廢唐復置按晉宋齊隋志竝無武義縣樂史所引疑誤

浦江縣難西南至府一百十里

後漢興平二年吳分烏傷諸暨二縣置豐安縣隋平陳廢入金華唐天寶十三載復分義烏蘭谿富陽三縣地置浦陽縣五代梁開平四年錢氏更名曰浦江

浦陽江在縣南一里東北流至紹興府界為錢清江韋昭以浦陽與錢唐江松江為禹貢三江

豐安廢縣在縣西南

湯谿縣難東北至府五十里

明成化六年分金華蘭谿及衢州府龍游處州府遂昌四縣地置

古城在縣西五里湯塘山上或以為婺州舊治

衢州府衝繁難

原額人丁一十五萬八千六百九

又滋生人丁五千九百九十一秦以前同金華府漢為會稽郡太末縣地三國吳分屬東陽郡

唐初屬婺州武德四年始于信安縣置衢州以州有三衢山故名六年廢垂拱二年復置天寶初曰信安郡乾元初復曰衢州

五代屬吳越宋曰衢州信安郡元至元十三年改衢州路明初改龍游府明年復曰衢州府

本朝因之分巡金衢嚴道駐此同知駐峽口

府境

八到

東至金華府湯溪縣界一百一十里
西至江西玉山縣界一百一十五里
南至處州府遂昌縣界一百二十五里
北至嚴州府遂安縣界九十五里
東南至遂昌縣界一百四十里
西南至福建浦城縣界一百八十里
東北至嚴州府壽昌縣界九十里
西北至安徽婺源縣界一百九十五里
自府治至京師三千八百四十里

土貢

銀 研 絨 布 絨 綿 紙 扇 簞 龍須席 葛粉 茶

管縣五

西安 龍游 江山 常山 開化

西安縣

衝繁郭下

有上航一驛巡檢駐金旺

漢太末縣地後漢初平三年分置新安縣晉太康元年改曰信安唐武德四年始置衢州治此咸通中改曰西安

銅山在縣西北百里宋時山出銅錫鉛明產鑛嘉靖三十九年徽處二州民羣聚來取因為寇盜官兵盪平之遂設兵戍守王存云縣有南北二銀場按南場在齋豆山下

信安故城有三一在縣南六里馬驛橋南一在縣東十五里開元寺北一在縣北二十里白石山圖經宋宣和三年方臘陷衢州州守高至臨于龜峰山築城即今治唐盈川廢縣在縣南龍游縣衝難西至府七十里

有亭步一驛湖頭一鎮巡檢

春秋越姑蔑地漢置太末縣隋平陳併入金華縣唐武德四年置穀州及太末白石二縣八年州縣俱廢入信安貞觀八年分

信安金華二縣地改置龍丘縣屬婺州垂拱二年改屬衢州五

代時吳越始改曰龍游宋宣和三年改曰盈川紹興初復故

白石廢縣在縣南三十五里白石山麓又唐武安廢縣在縣南

姑蔑城在縣北

江山縣衝疲難東北至府七十五里

有廣濟水馬驛禮賢一鎮巡檢管驛丞駐廣濟

唐武德四年分信安南境置須江縣八年省永昌元年復置五

代時吳越改曰江山以縣南江山得名宋咸淳中改曰禮賢元

初復曰江山

泉山在縣南一百三十里周數百里仙霞嶺在縣南一百里又

南去福建浦城縣一百二十里上有關或云即古泉山之嶺也

周百里登嶺凡三百六十級唐乾符五年黃巢破饒信歙等州

轉掠浙東因刊山開道七百餘里直趨建州即此嶺也

穀水今名衢江源出仙霞嶺流逕西安龍游二縣東北入金華

府界為蘭谿班固云太末縣有穀水東北至錢唐入江

須江故城在縣西南又禮賢故城在縣西南三十五里

常山縣衝繁東至府八十里 有甘露一鎮巡檢駐草坪

後漢建安二十三年分太末置定陽縣隋廢入信安唐武德四

年復置八年廢咸亨五年改置常山縣以縣東常山得名宋咸

淳三年改曰信安元復曰常山

縣故城在今縣東四十里定陽廢縣在縣東南三十里定陽鄉

開化縣衝繁東南至府一百六十里 有馬金華埠二鎮巡檢駐金竹嶺

宋乾德四年吳越分常山置開化場太平興國六年升為縣

嚴州府衝

原額人丁一十一萬八千四百三十三
又滋生人丁九千九百三十九

秦以前同紹興府秦為會稽鄣二郡地漢屬會稽丹陽二郡後漢屬吳丹陽二郡建安十三年孫吳始分置始新等縣又于始新置新都郡晉太康元年改曰新安郡隋平陳郡廢仁壽三年復置睦州大業初改為遂安郡治雉山縣唐武德四年復于雉山縣置睦州又于桐廬縣置嚴州七年廢嚴州以睦州為東睦州八年復曰睦州萬歲通天二年始移治建德縣天寶初改新定郡乾元初復曰睦州五代屬吳越宋亦曰睦州新定郡宣和初升為建德軍節度三年改曰嚴州遂安軍節度咸淳元年升為建德府元至元十四年改建德路明初改建安府洪武八年改曰嚴州府

府境

東西距三百七十里
南北距一百七十五里

凡到

東至杭州府富陽縣界一百四十里
西至安徽歙縣界二百三十里
南至金華府蘭谿縣界四十里
北至杭州府於潛縣界一百三十五里
東南至金華府治一百四十五里
西南至衢州府治二百一十里
東北至杭州府治二百七十里
西北至歙縣治三百十里
自府治至京師三千五百八十里

上貢

銅 文綾 紵 白石莢 竹箨 茶 漆 桐油
紙 櫻 龍膽草

管縣六

建德 淳安 桐廬 遂安 壽昌 分水

建德縣

衝郭下

有富春一驛

漢富春縣地三國吳黃武四年始析置建德縣隋平陳廢入金華唐武德四年復置屬嚴州七年與州俱廢永淳二年分桐廬雉山二縣復置

銅官山在縣西八十里秦時嘗于此置官采銅

漸江一名新安江自徽州府歙縣東流逕淳安縣及縣南又東北逕桐廬縣入杭州府界又東陽江自金華府界流入至縣東南注漸江

淳安縣 衝東至府一百六十五里

有港口永平街口茶園四鎮

漢丹陽郡歙縣地後漢建安十三年孫權析置始興縣并置新都郡晉為新安郡治隋平陳改縣曰新安仁壽中為睦州治大業初改縣曰雉山唐文明元年又改曰新安萬歲通天二年始移州治建德以縣屬焉開元二十年改曰還淳永貞元年避諱又改曰青溪宋宣和三年改曰淳化紹興元年始改曰淳安始新故城在縣西水經注孫權立始新都尉于歙之華鄉令賀齊守之後移出新亭按吳志齊表以葉鄉為始興縣葉鄉當卽

華鄉字近而誤也雉山廢縣在縣西南二里雉山下

桐廬縣 衝西南至府九十五里 有桐江一驛

三國吳黃武二年分富春縣之桐溪鄉置隋平陳縣廢仁壽中復置

富春山在縣西三十里顧野王云七里瀨在東陽江下與嚴陵瀨相接今土人謂之瀧一名富春渚

桐溪在縣東北三里至桐君山下入浙江李善引十洲記桐廬縣新安東陽二水合于此是東陽江亦浙江上源也

縣故城在今縣西二十五里孝泉鄉故址尚存

遂安縣 疲難東少北至府一百八十里 有鳳林一鎮

後漢建安十三年孫吳分歙縣地置新定縣晉太康元年改曰遂安隋平陳省入新安仁壽中復置

洪洞山在縣西南七十里唐天寶中嘗置場采銅于此又有白

石山在縣西七十里李吉甫云山出白石英充貢因名

縣故城在今縣西南木連邨溪北唐武德四年移今治

壽昌縣 疲東北至府九十里 有新市一鎮

三國吳分富春立新昌縣晉太康元年改曰壽昌隋廢唐永昌

元年分雉山縣復置載初元年廢神龍元年復置

新昌故城在縣西永平鄉今猶名故城坂

分水縣 簡東南至府一百二十二里

唐武德四年分桐廬縣置七年仍廢入桐廬如意元年復置曰

武盛縣神龍元年復曰分水取桐廬江水中分為名

唐昭德故城在縣西北昭德里

溫州府 衝難

原額人丁二十二萬一千八十五
又滋生人丁六千一百五十八

禹貢揚州之域春秋戰國屬越漢初為東甌國後為會稽郡回

浦縣地後漢永和三年置永寧縣三國吳屬寧海郡晉太寧元

年析置永嘉郡隋平陳郡廢屬處州大業初屬永嘉郡唐武德

五年置東嘉州貞觀元年州廢屬括州上元元年置溫州天寶

初曰永嘉郡乾元初復曰溫州五代屬吳越晉天福八年升為

靖海軍節度宋初仍曰溫州永嘉郡太平興國三年降為軍政

和七年升應道軍節度使建炎三年罷咸淳元年升瑞安府元

至元十三年置溫州路明洪武初改曰溫州府

本朝因之分巡溫處道駐此分防同知駐玉環轄巡檢一

府境 東西距一百六十里
南北距五百里

八到 東至海岸七十里
西至處州府青田縣界九十里

南至福建霞浦縣界三百里
北至台州府仙居縣界二百里
東南至大海一百里
西南至福建壽甯縣界三百里
東北至台州府臨海縣治三百里
西北至處州府麗水縣治三百六十里
自府治至京師四千三百十里

土貢

錦 紵布 綢 溫克絲 鮫魚皮 蠲櫨紙 礬
鐵 芽茶 柑 金橘 乳橋 石髮菜 石斛 西
施舌 牡蠣 櫛木 漆器 竹絲燈

管縣五

永嘉 瑞安 樂清 平陽 泰順

永嘉縣 衝繁郭下 有審舉一鎮兼置驛縣丞駐南溪巡檢
駐西溪

漢初為東甌國後為回浦縣地永和三年置永甯縣晉太甯初
為永嘉郡治隋廢郡改縣曰永嘉
華蓋山在縣東一里

海在府東縣及樂清平陽瑞安皆濱海延袤四百餘里有海塘

永嘉江在縣北門外今名甌江

東甌故城在縣西南三十里司馬貞云甌水名永嘉記甌水出

永甯山行三十餘里去郡城五里入江

瑞安縣 衝繁北至府八十里 有巡檢駐大畧

三國吳析章安置羅陽縣孫皓改曰安陽晉太康元年又改曰

安固隋省入永嘉唐武德八年復置安固縣天復二年改曰瑞

安元元貞初升為州明洪武二年復為縣

安陽江在縣南門外吳時名羅陽江唐時名安固江亦名瑞安

江

羅陽故城在縣東北晉太甯初遷今治

樂清縣 衝繁西南至府八十里 有嶺店驛館頭一鎮縣丞
分駐大荆巡檢駐磐石

晉甯康三年析永甯縣置樂清縣隋廢唐武德五年復置七年廢人永嘉載初元年復置五代梁時吳越改曰樂清

雁蕩山在縣東九十里又玉環山在縣東南海中周回五百餘里去府二百里舊有城明洪武二十年徙弃

本朝雍正五年復增築城設同知駐防于此遂為海疆重鎮長林鹽場在縣西四十里又瑞安有雙穗場平陽有天富場

平陽縣

衝繁東北至府一百三十里

有仙口前倉二鎮巡檢駐蒲門

漢章安縣地三國吳為安陽縣地晉太康四年置始陽縣尋改曰橫陽隋省入永嘉唐武德五年復分置橫陽縣貞觀初廢大足元年復置五代梁乾化四年吳越改曰平陽元元貞初升為州明洪武二年復為縣

橫陽江在縣西南二十五里

橫陽故城在縣北

泰順縣

簡東北至府三百七十里

有池村三魁二鎮

明景泰三年析瑞安平陽二縣置

分水山在縣東南一百六十里與平陽接界泉發隴上東西分流以限閩浙

處州府

雜

原額人丁一十二萬三千六百六十四
又滋生人丁五千四百七十七

漢以前同溫州府後漢為會稽郡章安縣地三國吳兼屬臨海郡晉屬永嘉郡隋平陳廢郡始改置處州治括蒼縣開皇十二年改曰括州大業初復改永嘉郡唐武德四年復曰括州兼置總管府貞觀元年府罷天寶初改縉雲郡乾元初復曰括州大歷十四年復曰處州五代屬吳越國宋仍曰處州縉雲郡元至

元十三年立處州路明洪武初改處州府

府境

八到

東至	南至	西至	南至	北至	東至	東至	西至	自府
溫州府	福州府	建浦城	金華府	溫州府	金華府	金華府	福州府	治至
嘉興縣	永興縣	順義縣	瑞安縣	永康縣	龍游縣	龍游縣	龍游縣	京師
界七十里	界二百二十里	界二百二十里	界一百八十里	界一百八十里	界四百六十里	界四百六十里	界四百六十里	四千五百八十里

土貢

綿	絹	紵布	麻	葛	紙	銀	鉛	鐵
茶	蜜	蠟	蕨粉	香	漆	錦	雞	白
玉面	狸	青	瓷	器	圖	書	石	白

管縣十

麗水 青田 縉雲 松陽 遂昌 龍泉 慶元 雲和 宣平 景寧

麗水縣

衝郭下

有括蒼一驛依定一鎮

隋開皇九年析松陽縣東鄉置括蒼縣為處州治唐大曆十四年改曰麗水

大溪發源龍泉縣臺湖山自遂昌雲和二縣流入縣境麗水自縉雲縣流逕縣東注大谿李吉甫云本名惡溪以其湍流阻險九十里中五十六瀨名為大惡隋開皇中改今名故唐以之名縣

處州故城有二一在縣東南七里括蒼山麓隋時故治一在縣西二里小括山上唐末遷治于此縣故城在今縣西三十五里資福邨

青田縣

衝西北至府一百五十里

有芝田一驛

唐景雲二年析括蒼縣置

青田溪在縣南三里其上流卽大溪東南至溫州府界入海
緡雲縣 衝西南至府九十里 有丹峯一驛

唐萬歲登封元年析麗水永康二縣地置

緡雲山在縣東二十三里高六百丈周三百里一名仙都山又
括蒼山在縣東七十里與仙居縣界

桃花嶺在縣西南二十里卽古桃枝嶺崎嶇盤曲長五十里有
桃花隘為絕險處

松陽縣 難東至府一百二十里

後漢建安四年析章安置唐武德四年于縣置松州八年州廢
五代梁開平二年吳越改為長松縣晉天福四年又改為白龍
宋咸平二年復曰松陽

馬鞍山在縣東四十八里新唐書山出銀山下有白銀坑共三

十五處又有銅坑鉛坑

縣故城在今縣西二十里李吉甫云後漢分立此縣有松樹大
十八圍因取為名

遂昌縣 繁東少南至府一百八十里

三國吳赤烏二年析太末縣地置平昌縣晉太康元年改為遂
昌隋廢後復置唐武德八年省入松陽景雲二年復置

龍泉縣 疲難東北至府二百四十里 有縣丞分駐安仁莊

唐乾元二年析遂昌松陽之龍泉等鄉置因以為名宋宣和三
年改曰劍州紹興元年復改

豫章山在縣南新唐書麗水縣有銅出豫章孝義二山孝義山
在縣西五十里

劍池湖在縣南五里本名龍泉宋宣和中改曰劍池湖州名劍

亦以此

慶元縣 簡東北至府四百里

宋慶元三年析龍泉之松源鄉置以紀年為名明初省入龍泉
洪武十四年復置

雲和縣 簡東北至府一百十里

明景泰三年析麗水之浮雲元和二鄉置

宣平縣 疲東南至府一百二十里

明景泰三年析麗水縣置

俞高山在縣南六十里舊產銀礦又礬坑山在縣西北三十里

亦同又雲和縣武岱山下有銀坑四處鉛坑二處景寧縣亦有

銀坑明初開采後皆封閉

景寧縣 簡北至府一百四十七里

明景泰三年析青田縣地置

曾孫用勲校刊

